

РУШ ЙЫЛМЫН ТҮНЯМБАЛ КЕЧЫЖЛАН ПӨЛЕКЛАЛТЫН



6 июньшто Россияшты Пушкинын кечыже палемдалтеш. А уло тўня мучко Руш йылмын тўнямбал кечыже семын палыме. ООН-ын даныйже почеш, руш йылме дене 250 миллион чоло ег кутыра.

Тиде кечын мо дене ойырмалтмыжат онгай. 1799 ий 6 июньшто (тошто стиль почеш 26 майыште) Александр Сергеевич Пушкин почын. Кызытсе руш йылмын шочмаштыже лачшымак тудын надырже улмым

палемдат. Пушкин — йоратыме руш писатель, сандене 6 июньшто, тудын шочмыжо кечын, Руш йылмын кечыжым палемдаш тўнгалыныт. Пушкин - тиде чылажат!

6 июньшто Морко поселкысо каныме паркыште уремысе акций лач тыгак маналтын. Акцийыш ушнышо-влаклан «Пушкинын йомакысе корнылаж дене» квест-модышым, сылнымут микрофонным ямдыленыт. Туштак писательын произведенийлаж дене палдареныт,

шарнымашан фотом ышташ темленыт.

Руш йылмын кечыжлан пөлеклалтше пайремыште реабилитационный рүдерысе йоча-влак, Казань гыч уна-влак лийыныт.

Тиде кечын ты акциийыш районысо моло книгагудо-влак руж ушненыт. Шордүр книгагудо ден тусо тўвыра пашаен-влакат меро-

приятыйым онгайын эртарен колтеныт. Түрлө ийготан йоча-влак дене А.Пушкинын почеламутшым лудыныт, тудын произведенийлаже гыч герой-влакын лўмыштым пален модыныт, кроссвордысо йодышлан вашештеныт. Тидыже, мутат уке, йоча-влакым изинекак книгагалан шўмандаш полша.

Лариса ПЕТРОВА

Снимкылаште: посёлкысо каныме паркыште; Шордүр ялыште

